



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 43 DE SU 08/03/2023

OGETU: CUNTZESSIONI PATROTZÌNIU A INDONU A FAVORI DE S' ASSÒTZIU ASD PHOENIX SPORT CLUB CUN RAPRESENTANTI PORRU DANIELE.

S' annu 2023, su 08 de su mesi de Martzu a ora de is 12.45, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmmini e Sangunau***

Beniamino Garau  
Dessì Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
No  
Eja  
Eja  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### **Postu chi:**

- cun annotadura de su 03 de Martzu 2023, arricida de su Protocolu Generali de custu Enti cun n. 9481, su Senn. PORRU DANIELE, in calidadi de Rapresentanti Legali de s' Assòtziu ASD PHOENIX SPORT CLUP, at pediu su Patrotzìniu de su Comunu de Cabuderra po sa Manifestatzioni Sportiva Finalis 1°, 2°, 3°, 4° positzioni Campionau basket MSP Categoria Senior, chi s'at a fai Domìnicu, su 30 de abrili 2023, in su Palatzieddu de su Sport – Palasport in Bia de Siena, 17 in Cabuderra;

- su Progetu Eventu est de importu mannu siat sportivu chi sotziali, ndi pigant parti is amantiosus de sport de unas cantu biddas de Sardigna e est finas unu momentu de sotzializatzioni po totu sa comunidadi e sena de atividadi de lucru de parti de is organizadoris;

**Torrada sceda** bona a s' iniziativa;

**Ca** sa cuntzessioni de su Patrotzìniu est disciplinada de su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

**Pigau atu** de s' artìculu 2 de su Regulamentu "Su Patrotzìniu est un' atu autònomu cunforma a àteras formas de interventu comunali, comentu cuntzessionis de sali, de strukturas, de contributus, e sa cuntzessioni sua est riservada sceti a sa cumpetèntzia de sa Giunta Comunali chi intervenit cun Deliberatzioni cosa sua";

**Arriciu** parri a favori po su chi pertocat sa regolaridadi tècnica cunforma a s' art.49, c. 1, de su D.Lgs. n.267/2000, de parti de su Responsàbili de su Setori;

**Pigau atu** chi cunforma a s' art. 49 de su D.Lgs. n.267/2000, custu provedimentu no est sugetu a parri contàbili ca no ocasionat mudamentus diretus o indiretus a sa situatzioni econòmica - finanziaria o a su patrimoniu de s' enti;

Cun votatzioni a totòmini cunforma a sa lei;

## DELÌBERAT

**De cuntzedi**, cunforma a su Regulamentu po sa cuntzessioni de su Patrotzìniu Comunali, su Patrotzìniu a indonu de su Comunu de Cabuderra a sa Manifestatzioni Sportiva Finalis 1°, 2°, 3°, 4° positzioni de su Campionau basket MSP Categoria Senior, chi s'at a fai Domìnicu, su 30 de abrili 2023, in su Palatzieddu de su Sport – Palasport in Bia de Siena, 17 in Cabuderra;

**De autorizai** a is organizadoris a s'imperu de su Stema de su Comunu de Cabuderra, cunforma a s'art. 10 de su Regulamentu arremonau;

**De si riservai** su diritu de rèvoça de su Patrotzìniu in s'in casu de cunditziunis previdias de s' artìculu 13 de su Regulamentu;

**De donai atu** chi sa cuntzessioni de su Patrotzìniu no liberat de òbligu perunu a is organizadoris, previdiu de sa lei e/o regulamentu, pertocanti s'atividadi asuta de patrotzìniu;

---

**De decrarai** chi sa cuntzessioni de su Patrotzìniu no rapresentat un'autorizatzioni a s' imperu de struturas comunalis o a s'ocupatzioni de logus pùblicus chi depint essi pedius cunforma a is dispositzioni in vigèntzia;

**De donai atu** chi custu provedimentu no ocasionat gastus a càrrigu de su Comunu de Cabuderra;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---